

光緒鎮海縣志

鎮海縣志

人物傳目錄

漢

任 弈

唐

虞世南

樂仁規 弟仁厚

宋

曹粹中 父實 從父貫

沈子霖 父開

沈 銖

沈 鏗 弟銘 子煥 孫

沈 煥 子傳曾 曾曾 省曾 敏曾

沈 炳 子唯曾

黃得一

黃一鶚

曹 鼎 子孝忠

趙時恪 兄時慄 弟時慤

孫 枝 父允 子起予 願質 孫璿

曹孝先 子詵

王文貫 弟安道

黃 震

曹 說

陳 茂

黃夢幹

陶椿卿 父回孫

元

黃叔雅 子正倫 正倩

黃叔英 子祖德

黃正孫

范文中

謝源父 子應辰

葉孟傳

黃 玠 子野 孫定

樂之才

樂大原

黃炳文

黃純裕

吳璋

沈性善

韓懋和

謝允平

朱庸

脫翔

王景行

錢仲仁

兄孟禧

弟季高

明

樂良

祖大原復

從弟衍

項信祿

陳韶

吳士英

任存敬

趙行遠

張信

豐寅初

趙濬恭

張源

孫鉞 鐸

韓中

孫天祥

梁田玉

梁良玉

梁良用

梁中節

郭良

張安國

樊遠

父連

陳端禮

劉德名

夏儼

陳浩淵

王永隆

陳治

陳憲

韓鼎

父仕昭

子璉

貝琳

弟琪

豐慶

謝琛

弟城

子庭蘭

夏時正

史敏

李綱

父凱

子濟

丁杰

艾敬

劉洪子光

賀欽

父孟員 裔係凌臺

沃頰

子汝賢 從曾孫

朱炯

周天民

王愷

陳韜

賀士諮

劉鼎

俞憲甫子世才 世中

徐潭

邱某

朱鉞

弟鐸

周鑄族子栗

韓克濟

樂舜賓

薛俊

從子一乾 係二雄

薛一相兄一卿

薛一本

子二龍

賀琦弟璘

丁瑞春

姪汝才 汝光  
汝斗

劉隆

樊懋

四世孫維屏

陳京

李興

子珮 孫一登

艾升

李誠立

父釜 子廣平

陳鳳鳴

劉夢祥

邢國泰

子繼勳

陳表

丁曉

戎良翰

姚思敬

楊一

葉七

胡滾

弟沛

陳仲仁

任文華

子茂

邱希賢

李唐

李賢

樂亮山

俞應科  
謝諫

江汝楫  
薛一乾

彭宗憲

邵鳳來

父德  
子輔忠

鄭鳳

徐石蒲

薛三才

施邦彥

弟瑞彥

劉堯賓

父雲峯

劉調元

陳國仁

薛三省

洪應科

父境

李環

金梧  
陳上策

陳大綱

王日華

子履祥

薛二樓

父一桂  
叔一楫

薛玉衡

子士超  
曾孫克宏  
孫成觀

陳應蛟

父謨

林繼祖

范三台

謝涓

華顏

父傑  
子嶽

烏文明

弟奎明  
莊一純



莊士英

父繼山

項可學

子盛德

武愛文

李誠性

父鶴賓

李玉華

何震燿

臧長裕

葉世官

邵輔明

張君謨

世父校 子昇

范我躬

謝泰宗

向應龍

李一鳴

薛士珩

庶弟士堯

薛士琪

子咸升

華 夏

父存義

陳應鵬

子斐函

陳秀才

謝泰臻

兄泰道 弟泰登

謝孝階

子煥昌

陳昌統

兄昌旂

艾達時 子武羅

鄭端明

范兆芝

邵似續

邵似歐 弟似雍 似昇

周西

項宣

許應禎

周景醅

虞光祚

陳式裕 子宗琦

陳衷赤

張君旨 兄君統

馬希皋

王宏

李旦平

周彬

鄭勝持

洪崑

陳王賓

皇朝

周謙

梅南遠

李如珪

弟如璋 子懋勳

任德敏

張翼

屠粹忠

方啟焜

薛士學

兄士瑛

王又曾

子時

郎汝望

子作霖

陳鴻遠

樊昂

胡嗣佐

王鶴遷

鄭宗翰

虞二球

謝燕昌

謝泰交

謝榮昌

謝得昌

子緒承

緒正

謝歸昌

謝景昌

子緒宏

謝諤昌

子緒貞

緒欽

謝兆昌

從子緒彥

子緒

邵元觀

子師瞻

朱俊昱

陸定國

吳江偉

陳錫嘏

盧宜

謝師昌

弟樹昌

崔大升

陳學聖

胡起祥

沈景濂

父從約

鄭道馨

莊上駟

陳煌

項公肅

張維藩

方莖

湯海六

陳夢蓮

子丹詔

元孫漚

陳世宗

傅嘉說

傅嘉讓

李時培

子士濂

朱文懋

弟韶懋

薛應旂

鍾韶

陸藩

林佳果

王錫庸

方遇

鄭宗璧

王錫齒

王重時

子自強

陳二雅

徐來

虞廷侃

嚴大賓

石美璠

子翰幹

范章先

鄭維馨

謝岐昌

謝緒光

父晉昌 子曾祥  
從子純祚 聞祚 閔

謝緒恆

子琦祚 賢

曾孫國

謝緒敷

子閔祚 弟緒高

謝緒顯

子書祚

謝緒守

謝緒敬

賀宏聲

子士英  
曾孫改曾  
孫國華

胡昌暘

父僖

王諭

武緒覃

胡維炳

子垣

張懋建

孫本均  
申

曾孫錫

謝善祚

楊沃洲

父美鉉  
王文舉

劉賓王

謝閻祚

李琦

胡圻

陳良佐

李煊

孫煊

陳錫光

父丹雋  
子元枚

兄錫璋  
林秉璐

范翔

王世勳

鄭觀瀛

張懋延

兄懋迪  
銘

從子志

楊源

施天祓

韓崧岳

沈德長

陳錫貞

弟錫瓚

子元松

陳錫蕃

子元林

陳元棧

子景范

徐文彬

丁六菴

鄒珪

嚴殿麟

弟殿霖

謝鷗祚

王聘三

任于宗

沈謨

陳璋  
修淦

陳蕙

陳

胡子錠

子沅

澧

瀚

陳廣義

陳廣霖

周國泰

祖勝

子英昌

孫大剛

子鼎龍

孫懷邦

胡子鉉

倪起蛟

徐忠

子光瑞

吳奇貴

華封

父時選

楊壇

柯介錫

劉成業

弟建業

鄭兆龍

朱滄菴

謝箴賢

弟炳賢

胡湜

從弟準 孫思洙

邱伸

子維芝 孫思洙

胡鈞

謝佑琦

傅光炤

父元棧

族元相

陳景沛

父元模

弟景漪

顧華白

陸志道

葉世勳

張校均

子錫路

劉燦

弟鵬飛

王曰升

子引孫

王埜

謝輔錦 張渭

謝輔誠

陳喬

李德梓

夏寅

范崇階

舒達

莊粵臺

父海六

鄭謙

李大封

林誥

陳修鼎



任灝

楊夏復

虞逢辰

陳繼序

丁啟譽

劉朝元

陳定誥

兄定敏

定博

謝錚賢

黃溥

胡枚

謝濂賢

父佑鏞

兄潔賢  
浙賢 從子輔根

胡汀

壯岳崧

劉寶鏜

李廣林

錢名揚

黃聲槐

王鑑

王克勤

余志鵬

范德泮

族瑞遠  
文琪

父聖輔

范信良

范德富

范

姚燮

謝輔站

林枝榮

陳世珍

父懋哲

華祝

曹昌燮

任溶

族鵬垂

天球

宏安 學元 嘉祐

補遺

顧澄

黃明耀

黃春

范亦清

范慶齡

鎮海縣志卷二十

人物傳一

邑界海濱漢時隸於句章山川醜樸人文未啟自唐季建縣而靈秀漸彰迨至南宋曹放齋沈端憲黃文潔諸大儒後先崛起魚鹽蜃蛤之鄉比戶絃誦彬彬乎有鄒魯風矣由是以來簪纓蟬冕接踵代興而抗志仗節研經蒞史之士亦指不勝屈人才之盛足爲粉社增光惟舊志載人物而多分其類如名臣循吏儒林介節文苑武功忠烈耆善雋異隱逸諸名目未免失之煩瑣今遵一統志例以人物概之庶乎意無軒輊不同月旦之妄評也

漢

任弈

案舊志慈谿志俱字輝臣

勾章人爲御史中丞朱育稱爲文章之

士立言粲盛所馳文檄瞠若春榮

會稽典錄

有任子十卷其道

論篇略曰一人之智不如衆人之愚一目之察不如衆目之明又曰水可乾而不可奪溼火可滅而不可奪熱金可柔而不可奪重石可破而不可奪堅又曰天之圓也不中規地之方也不可矩日月爲天下眼目人不知德山川爲天下衣食人不知謝皆摯語也

王阮昌國志

案曰乾隆志列傳任弈居首弈乃勾章人而舊志入之者以邑漢時未建縣屬勾章而弈旣爲勾章人子孫又世居靈緒且祀於鄉賢故首列之以光

邑乘云

吳

闕澤字德潤會稽山陰人也家世農夫至澤好學居貧無

資常爲人傭書以供紙筆所寫旣畢誦讀亦遍迫思論講

究覽羣籍兼通厯數由是顯名察孝廉除錢塘長遷郴

隆志作彬誤令孫權爲標騎將軍辟補西曹掾及稱尊號以澤

爲尙書嘉禾中爲中書令加侍中赤烏五年拜太子太傅

領中書如故澤以經傳文多難得盡用乃斟酌諸家刊約

禮文及諸注說以授二宮爲制行出入及見賓儀又著乾

象厯注以正時日每朝廷大議經典所疑輒諮訪之以儒

學勤勞封都鄉侯性謙恭篤慎官府小吏呼召對問皆爲

抗禮人有非短口未嘗及容貌似不足者然所問少窮權  
嘗問書傳篇賦何者爲美澤欲諷諭以明治亂因對賈誼  
過秦論最善權覽讀焉初以呂壹姦罪發問有司窮治奏  
以大辟或以爲宜加焚裂用彰元惡權以訪澤澤曰盛明  
之世不宜復有此刑權從之又諸官司有所患疾欲增重  
科防以檢御臣下澤每曰宜依禮律其和而有正皆此類  
也六年冬卒權痛惜感悼食不進者數日

三風

虞翻稱澤

曰闕生矯傑蜀之揚雄又曰闕之儒術今之仲舒

吳錄

案曰三國志闕澤山陰人

案乾隆志言澤爲餘姚人誤

而慈谿

志云其縣之普濟寺乃澤舊居則澤爲慈谿人可知  
慈谿在漢爲勾章而此時蛟川未建縣隸於勾

章故舊志亦入之

虞翻字仲翔會稽餘姚人也太守王朗命爲功曹孫策征會稽翻時遭父喪衰經詣府門朗欲就之翻乃脫衰入見勸朗避策朗不能用拒戰敗績亡走浮海翻追隨營護到東部侯官侯官長閉城不受翻往說之然後見納朗謂翻曰卿有老母可以還矣翻既歸策復命爲功曹待以交友之禮身詣翻第策好馳騁遊獵翻諫曰明府用烏集之眾驅散附之士皆得其死力雖漢高帝不及也至於輕出微行從官不暇嚴吏卒長苦之夫君人者不重則不威故白龍魚服困於豫且白蛇自放劉季害之願少留意策曰君言是也然時有所思端坐悒悒有裨謀草創之計是以行

耳翻出爲富春長策薨諸長吏並欲出赴喪翻曰恐鄰縣  
山民或有奸變遠委城郭必致不虞因留制服行喪諸縣  
皆效之咸以安甯後翻州舉茂才漢召爲侍御史曹公爲  
司空辟皆不就翻與少府孔融書并示以所著易注融答  
書曰聞延陵之理樂覩吾子之治易乃知東南之美者非  
徒會稽之竹箭也又觀象雲物察應寒溫原其禍福與神  
合契可謂探賾窮通者也會稽東部都尉張紘又與融書  
曰虞仲翔前頗爲論者所侵美寶爲質雕磨益光不足以  
損孫權以爲騎都尉翻數犯顏諫爭權不能悅又性不協  
俗多見謗毀坐徙丹陽涇縣呂蒙圖取荊州稱疾還建業  
以翻兼知醫術請以自隨亦欲因此令翻得釋也後蒙舉



軍西上南郡太守糜芳開城出降蒙未據郡城而作樂沙  
上翻謂蒙曰今區區一身者糜將軍也城中之人豈可盡  
信何不急入城持其管鑰乎蒙卽從之時城中有伏計賴  
翻謀不行魏將于禁以被獲在繫中權至釋之請與相見  
他日權乘馬出引禁併行翻呵禁曰爾降虜何敢與吾君  
齊馬首乎欲抗鞭擊禁權呵止之後權於樓船會羣臣飲  
禁聞樂流涕翻又曰汝欲以僞求免邪權悵然不平權旣  
爲吳王歡晏之末自起行酒翻伏地陽醉不持權去翻起  
坐權於是大怒手劍欲擊之侍坐者莫不遑遽惟大司農  
劉基起抱權諫曰大王以三爵之後手殺善士雖翻有罪  
天下孰知之且大王以能容賢畜眾故海內望風今一朝

棄之可曰權曰曹孟德尙殺孔文舉孤於虞翻何有哉基  
曰孟德輕害士人天下非之大王躬行德義欲與堯舜比  
隆何得自喻於彼乎翻由是得免權因敕左右自今酒後  
言殺皆不得殺翻嘗乘船行與糜芳相逢芳船上人多欲  
令翻自避先驅曰避將軍船翻厲聲曰失忠與信何以事  
君傾人二城而稱將軍可乎芳闔戶不應而遽避之後翻  
乘車行又經芳營門吏閉門車不得過翻復怒曰當閉反  
開當開反閉豈得事宜邪芳聞之有慚色翻性疏直數有  
酒失權與張昭論及神仙翻指昭曰彼皆死人而語神仙  
世豈有仙人也權積怒非一遂徙翻交州雖處罪放而講  
學不倦門徒常數百人又爲老子論語國語訓注皆傳於

世初山陰丁覽太末徐陵或在縣吏之中或眾所未識翻  
一見之便與友善終成顯名在南十餘年年七十卒

三國志

梁

虞荔字山披幼聰敏有志操年九歲時隨從伯闡候太常  
陸倕倕問五經十事荔對無遺失倕甚異之又嘗詣徵士  
何允時太守衡陽王亦造之允言於王王欲見荔荔辭曰  
未有板刺無容拜詣王以荔有高尙之志雅相欽重還郡  
卽辟爲主簿荔又辭以年少不就及長美風儀博覽善屬  
文仕梁爲西中郎法曹外兵參軍兼丹陽詔獄正梁武帝  
於城西置士林館荔乃製碑奏上帝命勒文館中仍用荔  
爲士林學士尋爲司文郎遷通直散騎侍郎兼中書舍人

及侯景之亂，荔帥親屬入臺。臺城陷，逃歸鄉里。侯景平元，帝徵爲中書侍郎。貞陽侯僭位，授揚州別駕，並不就。及陳武帝，文帝並書招之，迫切不得已，乃應命。初，荔母入臺，卒於臺內，尋而城陷，情禮不中，由是終身疏食布衣，不聽音樂。文帝深器之，荔性沈密，少言論，凡所獻替，莫有窺其際者。弟寄寓於閩中，依陳寶應。荔每言之，輒流涕。文帝哀而謂曰：我亦有弟在遠，此情甚切。他人豈知？乃敕寶應求寄。寶應終不遣，荔因以感疾。帝欲數往臨視，令家口入省，荔以禁中非私居之所，乞停城外。帝不許，乃令住蘭臺，乘輿再三臨問。又以蔬食積久，非羸疾所堪，手敕曰：卿年事已多，氣力稍減，今給卿魚肉，不得固從所執。荔終不從，卒贈。

侍中謚曰德子南

史南

唐

虞世南字伯施性沈靜寡欲受學於吳顧野王餘十年精思不懈至累旬不盥櫛文章婉孌慕僕射徐陵陵自謂類已由是有名陳天嘉中父荔卒世南毀不勝喪文帝高荔行知世南博學遣使至其家護視召爲建安王法曹參軍時寄陷於陳寶應世南雖服除仍布衣飯蔬寄還乃釋布啜肉至德初除西陽王友陳滅入隋大業中累至秘書郎煬帝雖愛其才然疾峭正弗任用爲七品十年不徙字文化及已弑帝殺世南兄世基而世南抱持號訴請代不能得自是哀毀骨立從至聊城爲寶建德所獲署黃門侍郎

秦王毓建德引爲府參軍轉記室遷太子中舍人王踐祚拜員外散騎侍郎宏文館學士時世南已衰老屢乞骸骨不聽遷太子右庶子固辭改秘書監封永興縣子世南貌儒謹外若不勝衣而中抗烈論議持正太宗嘗曰朕與世南商略古今有一言失未嘗不悵悵懇誠乃如此貞觀八年進封縣公會隴右山崩大蛇屢見山東及江淮大水帝憂之以問世南對曰春秋時梁山崩晉侯召伯宗問焉伯宗曰國主山川故山崩川竭君爲之不舉降服乘縵撤樂出次祝幣以禮焉梁山晉所主也晉侯從之故得無害漢文帝元年齊楚地二十九山同日崩水大出詔郡國無來貢施惠天下遠近洽穆亦不爲災後漢靈帝時青蛇見御

坐晉惠帝時大蛇長三百步見齊地經市入廟蛇宜在草野而入市此所以爲怪耳今蛇見山澤適其所居又山東淫雨江淮大水恐有冤獄枉繫宜省錄彙囚庶幾或當天意帝然之於是遣使賑饑民申理獄訟多所原赦後星孛虛危歷氏百餘日帝訪羣臣世南曰昔齊景公時彗見公問晏嬰嬰曰公穿池沼畏不深起臺榭畏不高行刑罰畏不重是以天見彗爲戒耳景公懼而修德後十六日而滅臣願陛下勿以功高自矜勿以太平久壽自驕慎終於初彗雖見猶未足憂帝曰誠然吾良無景公之過但年十八舉義兵二十四平天下未三十卽大位自稱三王以來撥亂之主莫吾若故負而矜之輕天下士上天見變其爲是

乎秦始皇剗除六國隋煬帝有四海之富卒以驕敗吾何得不戒邪高祖崩詔山陵一準漢長陵故事厚送終禮於是程役峻暴人力告弊世南諫曰古帝王所以薄葬者非不欲崇大光顯以榮其親然高墳厚廬寶貝珍物適所以累之也聖人深思遠慮安於菲薄爲長久計昔漢成帝造延昌二陵劉向上書曰孝文居霸陵悽愴悲懷顧謂羣臣曰嗟乎以北山石爲椁用紵絮斲陳漆其間豈可動哉張釋之曰使其中有可欲雖錮南山猶有隙使無可欲雖無石椁又何戚焉夫死者無終極而國家有廢興孝文寤焉遂以薄葬又漢法人君在位三分天下貢賦之一以入山陵武帝歷年長久比葬方中不復容物霍光暗於大體帝



侈過度其後赤眉入長安破茂陵取物猶不能盡無故聚斂爲盜之用甚無謂也魏文帝爲壽陵作終制曰堯舜壽陵因山爲體無封樹寢殿園邑棺槨足以藏骨衣衾足以朽肉吾營此不食之地欲使易代之後不知其處無藏金銀銅鐵一以瓦器喪亂以來漢氏諸陵無不發者至乃燒取玉匣金縷骸骨並盡乃不重痛哉若違詔妄有變改吾爲戮屍地下死而重死不忠不孝使魂而有知將不福汝以爲永制藏之宗廟魏文此制可謂達於事矣陛下之德堯舜所不逮而竟與秦漢君同爲奢泰此臣所以尤戚也今爲邱隴如此其中雖不藏珍寶後世豈及信乎臣愚以爲霸陵因山不起墳自然高顯今所卜地勢卽平宜依周

制爲三仞之墳明器一不得用金銀銅鐵事訖刻石陵左以明示大小高下之式一藏宗廟爲子孫萬世法豈不美乎書奏未報帝嘗作宮體詩使廣和世南曰聖作誠工然體非雅正上之所好下必有甚者臣恐此詩一傳天下風靡不敢奉詔帝曰朕試卿耳賜帛五十匹帝數出畋獵世南以爲言皆蒙嘉納嘗命寫列女傳於屏風於時無本世南暗疏之無一字謬帝每稱其五絕一曰德行二曰忠直三曰博學四曰文詞五曰書翰世南始學書於浮屠智永究其法爲世秘愛十二年致仕授銀青光祿大夫宏文館學士如故卒年八十一詔陪葬昭陵贈吏部尙書諡曰文懿帝手詔魏王泰曰世南於我猶一體拾遺補闕無日忘

之蓋當代名臣人倫準的今其云亡石渠東觀中無復人  
矣後帝爲詩一篇述古興亡旣而歎曰鍾子期死伯牙不  
復鼓琴朕此詩將何所示邪敕起居郎褚遂良卽其靈坐  
焚之後數歲夢進讜言若平生翌日下制厚卹其家

新唐書

案曰舊志有虞翻虞荔虞世南諸公傳其實諸虞  
曾稽餘姚人無貫載於正史入之邑乘似涉扳援  
然舊志相沿不便刪去其子孫又多居吾邑故仍

### 登之列傳

樂仁規光化三年授兵部尙書

案蛟川備志載唐光化三  
年授兵部尙書樂仁規制

曰爾光祿大夫兵部尙書樂仁規粵自早歲有志事功自  
北而南在朕左右及其給事內廷論思獻替之益亦時有  
焉夏官之選惟爾之能爾尙一弟仁厚刑部尙書

案備志  
載光化

三年授刑部尚書樂仁厚敕曰鎮東節度使左押衙充明  
州都押衙銀青光祿大夫檢校兵部尚書兼御史大夫上  
柱國持節辦州軍事樂仁厚居總大藩之萬里出揚阜俗  
之雙旌嘉爾勳忠列於奏薦據是仁厚乃明州都押衙借  
刑部尚書銜與仁規兄弟俱以立朝正直取忌當時朱溫  
實授兵部尚書稍異

亂棄官歸隱於慈谿之大隱山

嘉靖府志

案曰嘉靖府志言仁規贈金紫光祿大夫仁厚贈

銀青光祿大夫誤據制敕光祿大夫乃授而非贈  
也贈係身後卹典尚書兄弟既已歸隱梁又篡唐  
孰贈之耶又案樂氏兄弟官尚書其姓名不見新  
舊唐書人頗疑之然制敕非偽造且其後人至今  
藏有兩尚書待漏圖中有御璽可證則兄弟實係  
唐末大官史傳偶失載耳仁規生平略見於制中

當係出自軍功昭宗幸蜀扈駕隨行及歸長安念其勤勞乃有司馬之授然曰論思獻替之益亦時有焉則是屢進讜言非徒捍衛於患難也仁厚光化三年充明州都押衙是時董昌平逾兩載錢鏐已封彭城郡王二年且封越王仁厚官鎮東軍節度使左押衙似隸錢氏宇下然授秩尙出自朝廷仁厚究屬唐臣而前此鏐之討羅平僞主仁厚未必不在行間所謂勳忠列於奏薦者詎非可揣而知之耶朱三旣篡唐室武肅俯首聽命而仁厚兄弟能相約歸隱不愧同時司空圖孫卻一流矣惜乎史氏失紀致鄉賢之高節竟湮沒不彰也

陳繼聰

思堂  
彙

宋

曹粹中字純老父實贈奉議郎從父貫崇甯五年進士官

御史中丞粹中學問以躬行實用爲先李光聞其賢妻以

長女翁婿間自爲知己有冰玉之譽宣和六年粹中登進

士第待次無爲校官

案全祖望撰放齋詩說序作釋褐黃州教授互異

時秦檜在

相李光爲參政檜知粹中名欲識之辭曰吾已有差遣見

丞相何爲退語其妻曰吾觀爾父與秉權者勢不兩立豈

久居此者光卒貶海南粹中不復仕自號放齋以著書爲

樂後檜死張浚力薦於朝以朝散郎通判建甯府

案袁桷師友淵

源錄稱粹中爲侍講是歷官不止通判然不見於寶慶延祐二志故附注之

乾道三年致仕卒

累贈中奉大夫子盅別有傳

攻媿集參寶慶志延祐志

沈子霖字澤夫父開不仕子霖貢辟雍登紹熙十五年進士官惠州博羅縣主簿經明行脩恬於仕進號逍遙翁鄉里高其節子銖鏜別有傳

系齋集參寶慶志

沈銖字公權子霖長子嘗問道於焦瑗授伊洛指忠信孝友克紹先德容止莊敬衣冠端嚴造次必稽孔門之言是非非無曲從苟且與人交面箴其失退無後言有古直諒之風鄉行可推士大夫信服乾道二年登進士以迪功郎監潭州嶽廟晚始得官史浩篤布衣之好薦之孝宗召見上殿改秩承務郎簽書鎮東軍節度通判廳公事汪大猷復薦之初銖事瑗極恭其後諸生事銖者一如之雖已

貴莫敢隳其家法焉高弟有舒烈孫允袁方張祖順銖愛  
祖順至育之於家訓子嚴少不合意輒誨飭之不以年長  
故假借故諸子皆修行飭名而煥尤偉特有大志煥與弟  
炳皆別有傳

節峯真隱漫錄參  
攻媿集繫齋集

沈鏗字高卿子霖次子少負俊才與兄銖弟銘皆爲焦瑗  
高弟其事瑗終日拱立不以學成而假借師喪心制三年  
無失禮紹興十四年初開太學時高閏爲司業得鏗春秋  
卷寘之首選聲名籍甚尋與從子煥同登乾道五年進士  
授縣尉食祠祿以終子煥力學未仕孫中文嘉定十三年  
進士士龍淳祐十五年進士

攻媿集參延祐  
志宋元學案

沈煥字叔晦銖之子少卽知學潛心經籍精神靜專未嘗



務於末習既冠頤而美髯偉儀觀尊瞻視音吐鴻暢羣居  
鄉校以嚴見憚屬詞有典則務以義理自勝年二十四舉  
於鄉明年補國子監爲選首行藝超諸生始與臨川陸九  
齡爲友一日盡舍所學以師禮事焉九齡極稱其志氣挺  
然有任道之質煥益晝夜鞭策求友如不及潛觀密察至  
有衆人莫之知而煥獨識之者案袁燮撰言行編永嘉薛  
象先頽然衆人中不自矜  
炫人鮮能知者君一見大稱之以爲學問識見在行輩中  
當爲第一聞者慨然後同志與象先友聽其議論始服君  
爲知囊空無貲冬或不絮忍窮勵志惟講求爲急又以諗  
同舍曰此天子學校英俊所萃吾曹生長偏方見聞固陋  
不以此時資明師畏友廓然開之何由自知不足聞者悚  
惕因煥以交賢士相與講明立身之要務本趨實爲不朽

計皆自煥倡之乾道五年試南宮第一廷對危言切論指

陳闕政無隱授迪功郎上虞縣尉案煥行狀墓志及言行編俱作上虞尉燭湖集

所煥撰孫介行狀亦自言尉上虞蒙齋集贈沈智甫序亦言煥尉上虞惟宋史本傳寶慶志雍正府志言授餘姚尉

然行狀最先出宋史作上虞尉當係刊本偶誤或承寶慶志舊文之訛又案紹興府志言煥隆興中爲餘姚尉乾道

中徙上虞尉則係無稽之談隆興中煥尙未成進士安得

尉餘姚又案餘姚縣志職官亦言煥乾道中任縣尉今攷

行狀並未言煥尉餘姚祇有爲浙東幹官時奉檄賑救餘

姚上虞二邑饑民則餘姚志載煥賑荒事則可竟入之職

已官謬待次里中自以稟姿剛勁非所以歡庭闈痛自貶劑

大書祭義和氣愉色婉容數語於壁日觀省焉父每對賓

客常拱立其旁侍酒則竟席不敢去父子自爲師友講論

道義閤門雍睦士益信而歸之決疑請益者自遠而至啟

告簡嚴矩矱端肅初若不可親已而昏者明柔者立鄙吝

者意消中心悅服師道益尊尉上虞三年不卑其官砥礪廉節無秋毫私增葺學舍訓導有法馭下嚴紀律毋得輒至鄉井不得已而遣期以某日某時反命毋敢蹉跌訪求版籍得之胥吏家曰是政本也此曹豈得私之鐫而藏諸庫有所閱視宰必關尉始得啟封約束堅明吏姦莫措邑人賴之舉薦相屬固辭或稱之政府諷使來見卒無所詣調揚州教授未上清熙八年除太學錄修教養法蚤暮延見諸生孜孜誨誘以所躬行者淑諸人又言三舍取士當參以平日譽望不當優劣決於一試司業難之煥持議如初案言行編君爲學錄常正衣冠同僚私謂曰沈君莊肅如是我輩亦當如是盛暑時亦然同列率畏誘避嫌不敢與諸生語君喟然歎曰將不知兵兵不知將情意不接不可之大者獨延見無虛日常爲司業言學職諸生之表

非其人不可謂業答以格法君曰苟會充殿省考官唱名

用格而已一得吏足矣司業不能平日序立廷下孝宗熟視偉煥貌遣內侍詢姓氏及官有簡  
記意丞相趙雄復稱煥居官匪懈以諷切其餘忌者滋多  
或勸煥姑營職道未可行焉太息曰道與職豈有二乎因  
發策試諸生引孟子言立乎人之本朝而道不行恥也今  
赧然愧於中者可謂無其人乎聞者以爲訕已讒諸言路  
論煥與長官爭議詞旨頗切宜少抑之有旨調高郵軍教  
授煥方會食監中夷然不驚食罷謂其友曰吾豈不知詭  
隨苟容以取光寵朝夕兢兢淪胥是憂故不爲也不愧友  
朋去無所恨在職纔八十日明年丁父憂服除充幹辦浙  
東安撫司公事不以閒冷自逸翼贊其長心所未安懇懇

忠告省闕案牘悉去宿弊高宗山陵百司次舍供帳酒食之需應給不暇煥極言於安撫使鄭汝諧曰國有大戚而臣子晏樂飲酒自如安乎汝諧屬煥條奏充修奉官移書御史請先示喪紀本意喪紀著明人心曉然知君上典禮之重貪求自息可不煩灑劾矣後帥張某復委以檢察於是治吏之並緣爲奸者追償率斂者支費頓減是歲旱荒常平使者以上虞餘姚二邑屬煥賑救躬履阡陌人人撫之詢戶口察顏色飾貌者逡巡自退而饑民皆遺之食迄無流移諸司交薦章上孝宗猶記其風度曰是向爲學官人物甚偉者將召用之而趙雄已去小人百計阻之作爲朋黨論列圖爲三疏士大夫三十四人姓名於下某已去

某猶在以爲煥所作欲激衆怒併力以阻其入謗議果喧  
有一從臣以百計保煥者得稍息終不復召秩滿改宣教  
郎知婺源縣煥素有高名善類首推之而累歲滯於銓調  
公論以爲屈三省類薦書以問詔許遷擢遂通判舒州歸  
俟官家貧敝屋數間隘不可居隨所寓止事母甚謹左右  
無違口奉甘毳爲晏集以歡樂之與弟友愛深篤倡率妻  
孥撫養孤姪恩意隆洽略無少間故人孤女寡甚聘以爲  
冢婦富室欲與諸子聯姻懇請不許性輕財每誦李絳之  
言曰錢盡再來事幾一失不可復得室無私蓄辭受取予  
雖少必謹嘗遊中都其帥雅知煥貧欲厚饋之使人達意  
煥曰受則傷義拒則違俗以旣歸告之斯可卽日出郊官

會稽時故人典方面贈以金煥反之曰向也閒居賜何敢  
辭今祿矣義無兼受資用屢竭廉約自守意氣軒豁未嘗  
有悴色念鄉里有喪不能舉女孤不能嫁者請於鄉老史  
浩汪大猷舉行義田浩大猷卽以其事屬之煥誥諸勸諭  
得田數百畝儲峙有所職掌有人出納有法毋苟求毋徇  
私必覈其實品量多寡用而不匱有餘益市膏腴鄉人頌  
之咸曰此無窮利也光宗登極恩轉奉議郎賜緋衣銀魚

紹熙二年四月戊寅卒年五十二

案寶慶志丞相周必大

推賢揚善子愧叔晦益者三友叔晦不予愧也又案燭湖  
集與朱子書曰叔晦不幸棄世此湖中之梁木一壞豈易  
復得先生病時猶自整勵不改其度與朋友別惟以老母  
必爲哀痛

爲念善類凋殘爲歎

案言行編君晚尊敬朱晦翁曰是進  
退用舍關時輕重者且願此老無恙

既寢疾猶煥人品高明而其中未安不苟自恕常曰晝觀以爲言

諸妻子夜卜諸夢寐兩無所愧斯可以言學矣知非改過

踐履篤實其初非聖哲書未嘗誦習後與呂祖謙兄弟辯

論

案延祐志作與朱文公呂成公間辯

凡世變之推移治道之體統經綸事

業孳孳講求日益深廣自煥之歿朋友親故哭之皆痛四

方賢士大夫識與不識咸爲世惜之

楊簡撰行狀

理宗卽位追

贈朝議大夫直華文閣賜諡端憲子傳曾魯曾省曾敏曾

皆學儒紹父業魯曾改名木山以蔭爲迪功郎省曾字智

甫嘉定十六年甯宗授以官仕至別駕袁甫有序贈之

慶

沈炳字季文銖少子自父歿與兄煥事母甚謹家貧以經



學教授鄉里年未四十棄去場屋師陸九淵務窮性理舒  
璘嘗答書曰所示太極說謂易之極卽心之極甚善史浩  
使子弟師事之時煥亦寓郡之東湖會呂祖約爲倉監與  
全輒泛棹至煥望見呼炳曰大愚來矣相與蒞岸上或竟  
入講堂討論終日後趙汝愚以遺逸薦不就固窮終其身

子唯信爲餘姚李必達

寶慶志參繫齋  
集宋元學案

黃得一字仲清號壺隱嘗官機察卒後其從孫震爲文祭  
其墓曰叔祖幼未得師起而自奮熟誦古書達旦無眠天  
資超詣竟探本原其在初年學老子說一登講席聽者千  
百旣而幡然復歸於儒銳意斯世勇爵假途南北講解公  
亦歸老築臺白沙放懷詩酒有祠爲妖一蕪竟除烈烈英

風雖老不渝齋志莫售爰俟來者篤教猶子彬彬儒雅始  
余周晬公賜之詩匪徒言賀以遠大期旣而稍長受書吾  
父俾繼先志必稱叔祖歲在丙辰竊第奉常皆公之賜感  
極涕洟公靈猶在酌此一觴

黃氏口鈔

黃一鶚

案一鶚父世堯見黃清撰黃叔英墓志

奉議郎常教子震讀朱子論

語集注命師宗諭王文貫文貫亦學宗朱子後震卒爲南  
宋名儒蓋自幼蒙父之教也

黃氏口鈔

案曰攷梨洲世譜姚江黃氏漢潁川之後宋靖康  
之亂遷於婺源建炎間有仕爲明州通判者金人  
至不屈死三子分地避兵一居定海卽東發始祖  
一居慈谿吳巽一居鳳凰竹墩可證文潔並非慈

谿之派又攷全謝山撰澤山書院記亦言文潔本  
貫定海後徙慈谿故以其父一鶚補入志傳

曹忠字因明粹中子天資穎悟記誦絕人年十二能作舉  
子業未冠已博綜經史百家之言凡天文地理兵法靡不  
通貫詩章文賦命題立就動輒驚人少嘗畱題甯郡金精  
山有曰手擎白日浴滄海氣使列嶽如羣兒父見之失色  
戒以力除此等氣象忠自是務爲實學刻意躬行乾道三  
年蔭補將仕郎明年銓試上等授迪功郎爲平陽主簿著  
能聲上司委以事幾無虛日訟者亦多自請求決士民歸  
心以侍郎曾逮薦調江陵令去而輓畱殆不容行時辛棄  
疾帥江陵治素嚴有盜牛者配江州吏緣其意欲沈之江

虛慨然稟白棄疾改容歎賞卒俾如今寸金隄去城二里  
實捍大江衝突之患歲役人夫數千具文而徒勞虛調夫  
均平躬自督課增卑培厚以爲永利又以農隙修築沿江  
官隄使前日巨浸衝決之區復爲膏腴流移歸業耕墾日  
闢諸司咸爲公舉張栻尤知虛引置簽幕遭內艱淳熙九  
年循從政郎監行在瞻軍激賞庫京尹尙書張杓案杓疑杓之誤  
杓卽杓韓彥質更薦之十五年改宣教郎知嘉興縣地當  
孔道諜訴山積虛以五鼓秉燭治事遲明而畢人歎其敏  
改知長溪辛棄疾帥閩以鬻鹽來委虛謂縣爲出產之地  
開國以來未嘗與民爭利持不可棄疾怒易糾曹比至棄  
疾已釋然不使就職相與觴詠彌旬會通守闕卽以薦虛

慶元改元遂判楚州嘗論五事一令楚州守臣仍舊節制  
出戍軍馬二開壽河以爲山陽饋餉之備三申嚴淮禁四  
止用官會不必再印兩淮錢鐵交子五開淮東荒田以實  
邊儲習邊事者皆以爲當六年授福建轉運使司主管文  
字值閩中歲早虛白使長曾炎此非細故緇黃禱祈亦置  
勿論辨析滯訟疏決岸獄加以賑貸庶可感格炎從其說  
隨獲甘澍積官至朝請大夫嘉泰二年卒於官年六十八  
虛事親孝其始貧不足養至躬負米之勞父疾夜不解帶  
藥必親嘗旣革許誦金剛經萬卷誦之終身至於倍蓰尤  
篤於友愛伯兄多女爲嫁其二餘又厚助之幼弟早亡撫  
其孤如子御家嚴整居鄉尙和非意相干自能理遣生平

標致甚高不諧於俗每謂與其取媚以求合孰若行吾之志屬文兼備衆體高宗七十之慶一時獻文闕下者無慮千數虛進賦篇無愧古作嘆卜築奉化一區雅潔聚書萬卷手自讎校嘗言夜以一燈使婦奉姑別以一燈觀書四鼓始寢積學至老不衰客至則相與討論古今觴詠弈碁去則凝坐一室多採釋氏高勝之言可以警悟者書之坐右自號牧庵居士子孝忠將仕郎孝先別有傳

攻媿集

趙時恪字恭仲

宋乾隆志作仲恭

號菴坡天資粹美善文藝登嘉

定七年進士調池州青陽丞三仕於京雅爲臺諫所推重薦甫及恪竟以疾終兄時慄弱冠魁清薦以覃恩授官隱德不仕弟時慥嘉定四年進士除廣德建平簿遷維揚法

掾既而司左帑令高郵興化改倅撫州

案乾隆志作知撫州誤

鄉人

以聯桂榮之時慥穎悟絕倫廉譽四馳與時恪稱趙氏二

難

昌國志參雍正府志乾隆志

孫枝字吉甫父允受業鄉先生沈銖學以眞實爲本教授

鄉校者十年枝與銖之子煥亦相友善遂於文嘗撰普慈

寺羅漢閣記爲大參張篤素所稱賞以兄之子妻之枝又

遊朱子門

案柳貫撰孫琦墓志云祖枝早從樓宣獻沈端憲袁正獻遊及見徽國文公而證其所受遠學

雄文望於一時所著書曰海上槩

學問益精粹著書解十三篇袁燮見而

歎曰初謂子善爲文不意造理乃爾甯宗卽位詣公車上

書極言天下大計不見省嘉定七年與子起予同登進士

第時父尙無恙鄉人榮之枝卓邁有智略自秦隴荆湘達

於淮海凡險要扼塞若指諸掌於邊事軍謀尤練習淮帥  
延諸幕府枝以祿不及親辭弗受以廸功郎監潭州南嶽  
廟起予字商友爲昭武參軍會有卒伍嘯呼噪於市起予  
往諭之衆羅拜曰孫司戶清廉官不得犯一州遂平入朝  
爲監察御史終太常少卿次子願質字去華未弱冠入太  
學作賦有聲紹定五年成進士分教池陽任至朝散大夫  
工部侍郎願質子璠臨海知縣奉母在官元兵至母子俱

死難

昌國志參  
至正志

應係字自得號蘭坡幼穎悟四歲默誦論語孟子六歲能  
詩鄉老咸異之登紹熙四年進士第授烏程尉議毀淫祠  
獨存徐孺子廟鄰邑德清沈氏兄弟訟財郡檄係按實係



委曲開曉適沈有子魁鄉薦因賦詩警之曰嘉木灌叢春意好可憐不種紫荆花兄弟感悟其爭遂息仕至文林郎湖南宣撫主管機宜子後字宏道遊江淮幕府官修武郎孫翼孫字子燕以詞賦入太學登景定四年進士官修職郎僚從子儼別有傳

大德昌國志

薛寘字持志號耘齋少以文鳴及長以聖人執權賦預鄉薦登慶元五年進士調衡陽簿時史彌堅帥湖南值黑風洞寇起檄寘往撫諭將至有道其姓名者其酋曰非囚明作聖人執權賦之薛寘耶遂投戈而退

昌國志

徐愿字恭先以高才入太學登開禧元年進士分守平江居官以廉平稱除福建提舉適黃勇變起漕帥束手退避

愿獨晏然無懼色身擐其鋒婉詞撫諭亂卒列拜於前曰  
提舉活佛也乃密指授虎翼都統周喜殲其渠一方遂平  
入爲司農卿兼都曹愿嘗受業於袁燮故政事文學卓絕

一時云

昌國志

袁甫字廣微嘉定七年進士第一調建康軍節度判官入  
爲祕書正字轉對言今之可懼者大端有五端良者斥詔  
諛者用杜忠臣敢諫之門可懼也兵戈旣興餽餉不繼根  
本一虛則有蕭牆之憂可懼也君上深居高拱臣下奉行  
簿書獨運密謀之意深而虛心咨訪之意微天下迫切之  
情無由上聞可懼也外患未弭內患方深而熙熙然無異  
平時自謂雅量足以鎮浮不知晏安實爲鳩毒可懼也陛

下恭儉有餘剛斷不足庸夫儉人苟求富貴而未聞大明  
黜陟軍帥交結州郡賄賂皆自貴近化之可懼也遷校書  
郎又陳邊事之病不在外而在內偷安之根不去規模終  
不立壅蔽之根不去血脈終不通忌嫉之根不去將帥終  
不可擇欺誕之根不去兵財終不可治祖宗之御天下政  
事雖委中書然必擇風采著聞者爲臺諫敢於論駁者爲  
給舍所以戢官邪肅朝綱也今日誠體是意以行之豈復  
有偷安壅蔽者哉出通判湖州考常平敝原以增積貯核  
隱產增附嬰兒局轉祕書郎知徽州治先教化崇學校訪  
便民事以上請蠲減婺源紬絹并茶租折帛月椿等錢豫  
蓄常平義倉興修陂塘剗築橋梁丁父憂服除改知衢州

創立旬講務以理義淑士心歲撥千緡養士以西安龍游常山三邑積苦預借甫爲代輸三萬餘緡蠲放四萬七千緡郡故有義莊增廣良田二百畝移提舉江東常平遇水旱不均重以雨雪道殣相望甫亟發庫庾之積住催新舊窠名遣官分行振濟饑者予粟病者予藥尺籍之單弱者市民之失業者皆曲軫之會江閩寇迫饒信甫慮民情易動分榜諭安之寇迄不敢犯兼提點本路刑獄移司番陽問民疾苦薦循良劾姦貪決滯獄詣學宮講說勸書院貴溪之南以祀陸九淵值霜殺桑春夏雨久湖盜諸郡大不甫請於朝給度牒振恤之盜起常山調兵屯廣信以備郡城大火甫上封事言上下不交以言爲諱天意人心實同

一機災變之作端由於此願陛下因其所可見察其所不可見行至公無私之心全保護大臣之體率屬羣工大明黜陟與天下更始歲復旱再請度牒緡錢綾紙以助振恤勅藥院療疫癘前後持節江東五年所活殆不可數計彗星見應詔上疏言皇天所以震怒者由愁苦之民眾人民所以愁苦者由貪冒之風熾願一變上下交征之習爲大公至正之歸上順天意下合人心自然災變不生矣尋除直徽猷閣知建甯府兼福建轉運判官閩鹽隸漕司例運兩綱供費後增至十有二抑州縣變賣公私苦之甫復奏舊例兼代輸泉漳興化民丁米錢郡屯左翼軍本備峒寇招捕使移之江西甫檄使還營遇唐石有寇卽調之以行

而賊悉平召爲祕書少監入見奏無逸之義知稼穡艱難  
自然逸欲不起乞力守更化以來求賢如不及之意專意  
經術愛養精神無消天下讜言之氣遷起居舍人兼崇政  
殿說書奏剛之一字最切於陛下陛下徒有慕漢宣厲精  
之名而乃墮元帝文宗柔弱不振之失元帝文宗果斷不  
用於斥邪佞反用於逐賢人此二君不識剛德之眞所謂  
眞剛者當爲之事必行不當爲者則斷在勿行也俄兼中  
書舍人時相鄭清之以國用不足履畝使輸券甫奏避貴  
虐賤有力者頑未應令而追呼逼迫家蕩產悲痛無聊  
者大抵皆中下之戶本朝立國以仁陛下以此舉仁乎否  
乎帝爲惻然史嵩之帥江西甫當行疏奏臣本與嵩之同

里其父彌忠與臣有故每戒勿輕議和而嵩之力主和議  
父子異心之人朝廷用之臣竊未解既而嵩之權刑部尙  
書復奏臣於嵩之本無讎怨但國事所係誼難緘默終不  
與書諾命廼出知江州王遂抗疏力爭帝轉以授其兄肅  
未幾除甫知婺州不拜嘉熙元年復爲中書舍人入見帝  
問邊事甫奏四事曰固江陵堰瓦梁與流民復業及嵩之  
移京湖淞江制置又奏嵩之輕脫難信去年在淮西王楫  
由淮西而來北軍踵之今又併湖南付之臣恐復以誤淮  
西者誤湖南也不報擢權吏部侍郎入見奏江湖暴涌旱  
魃爲虐楮幣蝕其心腹大敵剝其四肢危亡之禍近在旦  
夕乞秉一德塞邪徑遷兵部侍郎奏岳珂總餉二十年焚

林竭澤今反以知兵得召疏入珂補外甫遷吏部侍郎兼國子祭酒日召諸生叩其問學爲講明義理時邊遽日至甫條上十事至爲明備權兵部尙書兼吏部卒贈通奉大夫諡正肅甫少服父訓學以聖人爲師自得爲貴又從楊簡遊自謂吾觀草木之發生聽禽鳥之和鳴與我心契其

樂無涯云

宋史本傳

應儼字之道號葺泚僚從子少穎悟長刻志於學凡經史子集與百家傳記靡不研覽從樓昉遊文聲日振兩請漕薦嘉定十六年以詞賦試南省第一遂舉進士爲臨江軍教授入爲國子學錄兼莊文府教授紹定四年爲臨安府教授鄭清之見其文奇之清之將拜相俾草相麻後卒用



焉遷太學博士又遷祕書郎請蚤建太子入對帝問星變  
縣請脩實德以答天戒帝問州縣貪風縣曰貪黷由殉色  
而起成湯制官制儆有位首及於巫風淫風者有以也帝  
問藏書縣請訪先儒解經注史因及程迥張根所著書皆  
有益世教帝善之遷祕書省著作佐郎兼權尚書佐郎官  
兼翰林權直又遷著作郎端平開邊兵敗洛陽縣預邊議  
坐斥而清之亦罷相居東澗益與縣蒐集文史號建章集  
皆制誥所需淳祐二年敘復奉祠遷宗正寺丞兼權禮部  
郎官兼國史編修實錄檢討以言罷差知台州召兼禮部  
郎官崇政殿說書遷祕書少監仍兼職兼權直學士院時  
清之再相力薦縣爲內相理宗疑焉一日召縣入院降詔

草五制夜四鼓進入上始信之翌日卽除翰林學士遷吏部侍郎兼中書舍人八年七月授同知樞密院事九年閏二月拜參知政事封臨海郡侯十年九月乞歸田里以資政殿學士知平江府提舉洞霄宮寶祐三年殿中侍御史丁大全論罷八月卒德祐原年詔復原職贈衛國公諡文敏

案宋史無鑑見嘉靖志應本仁傳

未第時爲京尹袁韶掌牋記留門

下一夕坐有美堂欣然若有得同門客吳某善樂府暮從外歸問曰何欣然也以擬明堂詔書屬對甚善答之吳嗤曰一第脫饑寒猶未能明堂詔何施焉憇後直內制卒用所擬詔而吳以樂府遊公卿間困躓以死憇旣貴建翁洲書院於故居以興起後進理宗賜御書以榜之

宋史本傳參昌國志

延祐志結  
靖亭集

曹孝先字元思，忠幼弟之子。忠以弟早亡，撫爲次子。官承直郎，楚州錄事參軍。寶慶元年，李全叛，僞如海州，遣劉福慶脅犯制置使許國。孝先聞變，亟自簽舍趨庭，撫諭之曰：「制置朝廷大臣，犯制置是犯朝廷。汝不欲李氏保其富貴哉？賊首命其部下弗言許國，得泛舟楚臺以避。旣而賊復譁動，射孝先中喉，拔箭叱曰：『誤！』李全斬東市，非汝而誰？曹孝先決不求生，許侍郎決不可殺。銳鏃交集，血流被體，猶走登子城，與國謀所以討賊者，血盡氣微，國枕之以磚，遂絕。尙怒目睜視，以手蔽吭，不可折。國慨然曰：『吾無以事朝廷，報曹君矣。』亦死之。全歸自海，反哭而弔，且斬麾下以謝。

初孝先死不得殮亂軍取葦燎於城事定家人求骸不可  
識號哭終日靚縷煙冉冉繞諸孤發之遂得遺骸以歸事  
聞贈孝先通直郎賜廟曰旌忠官其子誦次子說別有傳  
家鉉翁撰四忠節  
祠記參嘉靖府志

案曰曹盅晚徙奉化孝先爲邑人無疑舊志云雍  
正府志作奉化人誤以孝先本籍定海奉化祇可

入寓賢耳

王文貫字貫道早嗜學與鄉先生余端良遊

案成化志  
作端臣

魁

太學公試擢寶慶二年進士第調真州教授秩滿司鑰左  
帑尋除架閣爲宗學諭添倅東越文貫精毛氏詩說以輔  
氏爲宗從遊常數十人其學尤篤信朱子朝夕議論常不

出朱子論語集註謂朱子讀盡古今註解自音而訓自訓而義自一字而一句白一句而一章以至言外之意透徹無礙瑩然在心如琉璃然方敢下筆一字未透卽云未詳門人黃震白此益信受誦讀震與同學奉化汪元春後俱以論議政事稱於時文貫由是名益著弟安道案一作宗道有文譽與兄同領鄉薦登寶祐元年進士案嘉靖志選舉作濟祐元年辛丑進士傳中作寶祐元年癸丑終於婺水學官詩學亦有論說黃氏日鈔參昌國志至正志

案曰王文貫元明諸志作鄞人雍正府志作奉化人乾隆志作邑人不知何據姑仍之

黃震字東發寶祐四年登進士第調吳縣尉吳多勢豪家

告私債則以屬尉民多凍餓窘苦死尉卒手震至不受豪

家告案蘇州府志勢豪告私債震白提刑孫子秀移文一

課必曰躬親而吏卒因下漁獵以困民震又請於知府洪

肅自是訟牒無射親之文縣界有焚屍亭壞浮屠欲復創

虛白之府謂焚屍非禮凡史傳所書仇怨刑戮之酷罪盈

惡極乃有焚滅遺體亦戰國以來之事古無有也蓋焚者

非法非法之虐且不可施於誅死之罪人况父母骨肉乎

傷風敗俗莫此為甚其亭令勿再復判府程元鳳聽之事

竟府檄攝其縣及攝長洲華亭皆有聲案松江府志景定

止請罷茶監分司併將買納場文武兩員省罷一員仍立定

買納場買納場吏卒人數不許私自增添又論復租額在御亭丁

一發監司之積以招流亡二除出剩之弊以禁苛取三操

體統之要以省煩擾四定散本之法以免減尅五擇監臨  
之官以善催煎六還產業之舊以固常心又以華浙東提  
亭水鄉大究塞泄之法中府請修田塍萬民賴之  
舉常平王華甫辟主管帳司文字時錢庚孫守常朱焯守  
平江吳君摧守嘉興皆倚嬖倖厲民華甫病革疆起劾罷

三人震贊之也沿海制置司辟幹辦提領浙西鹽事不就  
改辟提領鎮江轉般倉分司公田法行改提領官田所言  
不便不聽復轉般倉職人爲點檢贍軍酒庫所檢察官擢  
史官檢閱與修甯宗理宗兩朝實錄輪對言當時之大弊  
曰民窮曰兵弱曰財匱曰士大夫無恥乞罷給度僧人道  
士牒使其徒老死卽消弭之收其田入可以富軍國舒民  
力時宮中建內道場故首及此帝怒批降三秩卽出國門  
用諫官言得寢出通判廣德軍初孝宗頒朱熹社倉法於  
天下而廣德則官置此倉民困於納息至以息爲本而息  
皆橫取其民至自經人以爲熹之法不敢議震曰不然法  
出於堯舜三代聖人猶且變通安有先儒爲法不思救其

弊耶况熹法社倉歸之於民而官不得與官雖不與而終

有納息之患震爲別買田六百畝以其租代社倉息非凶

年不貸而貸者不取息民甚便之案延祐志震守撫州時諸郡社倉法大弊震言

法出三代猶有損益減息濟民青苗法非不善也弊卒不可救今社倉弊亦在是遂發所儲錢買田以代息撫人德

之與宋史本傳所載略同但一繫之通判廣德時一繫之守撫州時則互異又案江西通志亦言震守撫州買田代

息與延祐志同而嘉靖志雍正志乾隆志則俱繫之通判廣德時與本傳同諸書事同而應官之地各異或者其時

社倉法壞震官廣德撫州皆有買田代息之善政也郡有祠山廟歲合江淮之民禱

祈者數十萬牲皆用牛郡惡少挾兵刃舞牲迎神嘗鬪爭

犯法又有自櫻桎梏拷掠以徼福者震見問之乃兵卒責

自狀其罪卒曰本無罪震曰爾罪多不敢對人言特告神

以免罪耳杖之示衆又有所謂埋藏會者爲坎於庭深廣



五尺以所祭牛及器皿數百納其中覆以牛革封鏽一夕  
明發視之矢所在震以爲妖而殺牛淫祠非法言之諸司  
禁絕之會郡守賈蕃世以權相猶子驕縱不法震數與爭  
論是非蕃世積不堪疏震撓政坐解官尋通判紹興獲海  
寇僂之撫州饑起震知其州崇江西通志震知撫州在咸淳八年單車疾馳  
中道約富人耆老集城中毋過某日至則大書閉糶者籍  
彊糶者斬揭於市坐驛舍署文書不入州治不抑米價價  
日損親煎粥食餓者請於朝給爵賞旌勞者而後入視州  
事轉運司下州糶米七萬石震曰民生蹶矣豈宜重困之  
以沒官田三莊所入應之他若補刻六經儀禮修復朱熹  
祠樹旻殊里門曰舊學坊製祭社稷器復風雷祀勸民種

麥禁競渡焚三千百餘艘用其釘鐵剋軍營五百間皆善  
政也詔增秩遂升提舉常平倉司舊有結關拒逮捕事繫  
獄二十有八年存者十無三四以事關尙書省無敢決其  
獄者以結關爲作亂也震謂結關猶他郡之結甲也非作  
亂比况已經數赦於是皆釋之新城與光澤地犬牙相入  
民夾溪而處歲常忿鬪爭漁會知縣事蹇雄爲政擾民因  
相結焚掠震乃劾罷雄諭其民散去初常平有慈幼局爲  
貧而棄子者設久而名存實亡震請收哺於旣棄之後不  
若先其未棄保全之乃損益舊法凡當免而貧者許里胥  
請於官贍之棄者許人收養官出粟給所收家成活者衆  
震論役法先令縣覈民產業不使下戶受抑於上戶大興

水利廢坡壞堰及爲豪右所占者復之改提點刑獄決滯  
獄清民訟赫然如神明有貴家害民震按之貴家怨又發  
富人粟與民富人亦怨御史中丞陳堅以議者言劾震去  
遂奉雲臺祠賈似道罷相以宗正寺簿召將與俞浙並爲  
監察御史有內戚畏震直止之而浙亦以直言去移浙東  
提舉常平案震撰岱山書院記結銜德祐元年朝散郎浙東提舉鎮安饑民折盜賊  
萌芽時福王趙與芮判紹興遂兼王府長史震奏曰朝廷  
之制尊卑不同而綱紀不可紊外雖藩王監司得言之今  
爲其屬豈敢察其非奈何自臣復壞其法固不拜長史命  
進侍左郎官及宗正少卿案鄭真谷口莊銘定海靈緒鄉山水清淑是爲故宋宗正少卿  
兼吏部尚書致仕文潔黃公之里據是震實以宗正兼吏部尚書與宋史云進郎官微異然延祐志山川考亦祇稱

震爲吏部郎黃龍又有訪黃吏部不值詩皆未嘗言震  
爲吏部尚書又與宋史所云即官合但鄭千之係明初人  
去宋不遠其云兼尚書者必當別有所據也 皆不拜震嘗師王文貫其語人曰

非聖賢之書不可觀無益之詩文不作可也 案延祐志臨川陸學傳四

明震獨崇朱氏學其爲文悉本之又尊其門人黃幹書錄

梓於撫州善論利害奏疏明暢曲盡人謂甚似朱氏又案  
嘉靖志先是楊簡倡陸學士皆翕然宗之孔門居官恆未

博約之訓幾廢而震竭力與朱學人知嚮方 明視事事至立決自奉儉薄人有急難則周之不少吝所

著有日鈔一百卷卒 案宋元學案黃文潔公未亡餓而卒

請先靈之句宋史証書其門人私諡曰文潔先生子夢幹

卒不言餓者誤其節已 宋史本傳

叔雅叔英別有傳 宋史本傳

曹說字習之孝先子幼歲痛其父死難楚州絕葷酒婚宦  
刺血書華嚴法華以報恩終年寓僧舍疲精耗思於斷簡

殘編中精易象數論語春秋皆有解折衷舊說爲人修潔  
博洽後學問難疊疊不倦酬答從故家借書輒先請書目  
一閱卽能言其本末生平無喜愠每戒學子絕人我則天  
理自著嘗授徒郡之蔣園時戴表元亦寓郡相與賦詩唱  
和無疾以終學者尊爲泰宇居士不娶無子所爲詩文多  
散佚剡源有廟祀其曾祖粹中以說禘之延祐志參柳待  
制集鮑埼亭集  
案曰曹氏自粹中子虛晚徙奉化及說雖已三世  
然尙未出定海原籍也故舊志入之

陳茂字子華淹貫經史嘉熙三年入太學陞上舍生後官  
秘書少監起居郎賈似道專政辭官歸及恭帝北狩元伯  
顏遣其將以兵數千駐於鄞之西山茂撫然曰我受國家

厚恩今主上罹難豈忍坐視卽褐衣徒步往啟以大義諭令罷兵元將怒脅之降茂不屈拘於軍中遂不食數日死年六十八時人比之鄧進士袁鏞鏞亦抗節死於元者也

鄉里憫茂忠立廟祀之卽今厓賽廟

乾隆志

黃夢幹字祖勉震長子蔭補將仕郎沈潛汲古天性淡靜震峻肅於人少可而夢幹濟以和平陳著見而謂震曰君家叔度之流也屈行輩與爲親家宋亡無仕進意震避地寶幢其山北精舍案卽澤山行館且就荒夢幹重葺之欲奉其父歸講學未竟而病死是歲震亦卒子正孫別有傳宋元學案

陶椿卿字均壽父回孫咸洵進士官平江府倅椿卿以禮經魁鄉試覆試又魁會父卒廬墓終身元初被選舉力辭

不赴鄉邦異之

嘉靖府志

元

黃叔雅字仲正震次子嘗受業王應麟

見錢大昕深甯年譜

事母孝

居家無語笑聲持已敬讓以禮宗嫻鄉黨長者洽之幼者慕之其學汪洋整經以載道必考其精微幽顯之委折於史辨疆理氏族制度官名之興廢旁搜博徵曲而通確而明故爲文辭纏屬不能以窮將臻乎極而始底於用欲以名世者不在仕進也有司三奉科舉令卒不應試自以其說授於其徒延祐七年卒年五十四子正倫正倩能傳

父業

袁梅撰墓志

黃叔英字彥實震之子

案嘉靖府志作震之孫誤又案千頃堂書目云叔英未進士亦誤攷

黃潛撰墓志叔英卒於元泰定五年宋亡時纔五歲無登第之理 震壹以躬行爲本三子

俱克紹其學而叔英最少介然特立不務爲苟同尤酷肖

焉始好遠遊既而歸里治其居曰慧庵閉門讀書益不妄

交後爲晉陵宣城 業戴表元贈序大德五年彥實爲宣城校官 蕪湖三學教諭

又爲和靖采石兩院山長復以家學教授閩越間與韓性

相友善受業其門者皆卓然有成立嘗講道於慈谿之杜

洲書院秀州王士毅爲蘆花場典史棄去來從學自是士

毅益知道德性命之奧餘姚黃鉦初學春秋見叔英說春

秋心好之乃更受尙書後浙之言尙書者皆宗鉦叔英於

經史百代之書過目輒成誦凡古今學問文獻無不貫穿

爲文雋拔偉麗意氣奔放若不可禦學者稱爲慧庵先生



秦定四年卒年五十五子祖德能傳其業遊宦閩中以死

黃文獻集參宋元

學案餘姚縣志

黃正孫字長孺震之孫生有美質雅意恬靜親傳家學不自表襮年十二宋亡卽絕意仕進事母盡孝與仲父季父患難相從不異貲產弱冠爲陳著贅壻久之乃歸皇慶二年出遊西州至嘉興魏塘有義士吳某遺幣迎致之履行端方爲學者所尊自號尙綱翁以見其志至正五年卒年

八十一長子玠奉柩歸葬定海之澤山玠別有傳

黃潛撰墓志

范文中

案福建通志作文忠諫

字煥章幼失怙事母孝大德十一年

民饑盜起文中手縛渠魁十數人歸於有司餘黨竄伏中書奏授慈谿鳴鶴場巡檢歛縣主簿尋調廬陵俗號難治

民蕭甲與子殺人以誣怨家劉乙文中覈實寘甲於法并籍其家豪右警服先是權稅江陵者率浮估值而以其畸爲利文中痛絕前弊得羨錢六萬餘緡悉還官以廉能遷吳江州判官婺源有靈順神祠四方函香走集商賈因之聚市文中復被檄權稅一無所私課入加於前擢知沙縣

案通志云元末知沙縣然文中在大德間已官巡檢

去元末幾五十載其知沙縣年分太懸絕恐有誤

造義

倉以備凶荒築社壇以謹祈報崇儒學以典禮讓年七十

投牒歸

嘉靖志

閩人祀之名宦

福建通志

謝源父字深之閉門讀易能古文辭尤邃於理學晚年好遊山水興至則吟詩以自適子應辰字濟明

衆乾隆志作瀋明

受

父易得其指要用薦爲太子說書改無爲州學錄至正禮

解組歸隱而終

嘉靖志

葉孟傳字拙修隱居不求聞達讀書爲文必根於理邑諸生慕其學行爭及門受業家貧晏如未嘗少屈於人

嘉靖志

黃玠字伯成正孫子自幼聰敏善誦比長服膺先訓博洽無不通志尙卓然不隨俗進退躬行力踐以古聖賢自期隱居教授孝養二親遠近聞其名爭迎致之後寓吳興樂其山水之勝卜築弁山自號弁山小隱年八十卒玠與趙孟頫黃潛相友善性好吟詠其詩不爲近體視宋末江湖諸人寄趣殊高中多勸戒之詞上者近乎元結次者似白居易讀之如聽古鐘磬之音云

元史宏簡錄參四庫提要

子野字芸已

著有芸已編孫定字叔志爲人端重清約明洪武中由國

子牛授吏部主事累官山東布政使

湖州府志

樂之才嘗以所作詩一編示袁桷桷爲之序言其平淡者合自然孤絕者得深悟繪物不鄰於巧琢至境合心會醜然百谷之泉必達於衆流是亦於詩非積學有源者不能是也其爲桷所賞識如此

清容集

樂大原字君道器度宏偉慷慨多大節居家孝讓事繼母尤謹燕閒無惰容恥言人過失大德十一年浙東大祲大原發巨艘販泉南廣東之米平價使人就糴遠近畢集活者甚衆辟舉清泉鹽課司使

案嘉靖府志言其父籍清泉鹽場亭戶不言大原爲清泉

鹽課司與邑志互異

凶歲官不降本亭戶失業大原發貲視官本增

三之一以貸諸戶隨其力之所及而收其入清泉之鹽置

二倉受所輸其大決之亭戶去倉近惟王家葫蘆在小決  
之上去倉遠輸送者勞佚不均因與長老謀別立倉於王  
家團之後乃圖地形聞於轉運使既得請首捐私財集衆  
工建之及落成而使司所給官錢不足酬其數大原終不  
言民深德之歿爲之祠焉孫良別有傳

嘉靖志參  
乾隆志

黃炳文震之裔先世多大儒炳文能守其業元季不仕齒  
益高而操益勵嘗於所居之西闢爲一室曰蓬萊山房日  
與良朋勝友昆弟子姓遊息焉以領山海之趣戴良稱其  
高風逸韻迥異等倫贈以詩曰世澤豈徒遺簡在家風親

親遠孫賢

九靈  
集

黃純裕字熙安震五世孫自幼服膺祖訓孝友愷篤言動

不苟鄰里有鬭爭者輒以理曉譬真不心服一鄉之中遂無復有訟於公庭者時爲之諺曰登泰山不若登崑崙見縣令不若見黃君至正二十四年舉爲龍頭場管勾精於鹽政公廉仁恕綜理周密上資國課下得甕心煎辦之法至今賴之

嘉靖志

吳璋父來朋見孝義傳璋起家巡防百戶督運中原陷紅巾中抗節勿屈四載朝議嘉之擢海道運糧千戶後海運有功陞海道都漕運萬戶

九靈集

沈性善字師孟煥之後幼敏慧篤志於學長而爲人謹厚簡默居家孝友族黨交譽之至正初奉煥遺集遊京師親自繕寫求學士危素序之尋卒年二十四素志其墓

四明文獻

集

韓懋和字豫齋父常見孝義傳懋和以才謂見知浙省奏授翊忠校尉慶紹等處海運正萬戶明洪武初以故官謫汴嘗召之吏部將用之以病辭畱居京師榮陽外史

案曰韓懋和當是元季浙省帥府奏授官萬戶者入明不仕亦元之貞臣也

謝允平爲人蕭散遠器謝紛倚山而廬足不及城市日惟誦讀詩書玩悅光景賓友相訪則與之坐松篁泉石間觴豆笑談以優遊歲月焉嘗名其齋曰自怡烏斯道爲之記

春草齋集

朱庸字伯常一字搗齋榮江柳鎮夏錄蛟川聰明過人讀

書爲文章往往同輩不能及詩尤可稱焉

元詩選

有西湖竹

枝詞

袁鈞四明詩彙

脫翔字漢羽好學循禮淡於仕進後進多出其門嘗詠芙

蓉洲芙蓉詩一時傳誦目爲脫芙蓉

四明詩彙

王景行嗜學好修家居蛟門正臨大海平且東望紅日上

升最爲偉觀其友王蒙爲作蛟川春曉圖宋濂見而題以

長歌稱景行爲甬東才子云

宋學士集

錢仲仁

秦慈谿志作仁仲誤

住鳳湖與兄孟禧弟季高皆隱居不仕

而仲仁尤以詩人稱戴良自慈谿之華嶼遊其地仲仁以

山齋數椽居之遂欣然徙家焉因以詩呈仲仁云投身既

得所安能復去之其感仲仁之誼如此

九靈集